

Kalaallit Nunaanni Inuit nalunaarsorsimaffiannik, Norgemi sametingimi valgmanntallimut aqqissuussineq isumassarsiorfigalugu (Kalaallisut inuit nalunaarsorsimaffiat aamma qinersisartut nalunaarsorsimaffiat), nammineq kajumissutsimik nalunaarsuinermik aamma qinersisartut nalunaarsorsimaffiannik tunngaveqartumik, suliaqarnissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Akissuteqaat

(Naalagaaffinngornissamut Nunanullu allanut Naalakkersuisoq)

Aappassaaneerneqarnera

Naalakkersuisut sinnerlugit Inatsisinut Ataatsimiititaliaq siunnersuummik suliaqarsimaneranut qutsavigaara. Naalakkersuisuniit maluginiarparput ataatsimiitsitaliami amerlanerussuteqartut Inuit Ataqtigiiinneersut aamma Siumumeersut allannguutissatut siunnersuummik saqqummiussisut, uanilu Naalakkersuisut allannguutissatut siunnersuutaata ullulernerqarneranik aaqiinerusoq.

”Nammineq piumassutsimik tunngavilimmik Kalaallit Nunaanni Inuit nalunaarsorsimaffiannik pilersitsinerup kingunerisinnaasai pisariaqartinneqarneralu pillugit nalunaarusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiaq sapinngisamik 2024-mi upernaakkut ataatsimiinnermut kingusinnerpaamillu 2024-mi ukiakkut ataatsimiinnermut Inatsisartunut saqqummiunneqassaaq.”

Naalakkersuisut nalilerpaat nammineq piumassutsimik tunngavilimmik Inuit nalunaarsorsimaffiannik pilersitsinerup kingunerisassaanik inatsisitigut, nunat tamat akornanni inatsisit ilanngullugit, peqqissaartumik nalunaarusiortoqassasoq.

Taama oqaaseqarlunga ataatsimiitsitaliap allannguutissatut siunnersuutaa akuersissutigineqassasoq Naalakkersuisut inassutigaat.